

**BODO (CODE: 092)**  
**CLASS-X**  
**(April 2021-March 2022)**

**TERM – II**

**SECTION-C**  
**GRAMMAR (20 Marks)**

**1. सुंथाबै फिननाय लिर:** 2x3=6

(क) बर' रावनि आथोना मोनबेसे आरो मा मा ?

फिन: बर' रावनि ओथाना गासै मोनब्रै। बेफोर जादों- जो आथोन, जोला आथोन,  
बेसाद आथोन आरो जथुम आथोन।

(ख) होनजाब सोदोब माखौ बुडो ?

फिन: जिब-जिराद, दाउमा-दाउसा एबा मुवा-बेसादनि गाबनाय आरो सोदोबखौ  
खुगाजौं सोलोनानै बुनाय सोदोबफोरखौ होनजाब सोदोब बुनाय जायो। जेरै-  
दाउखानि गा गा, मावजिनि मेव मेव, दैनि रा-रा बायदि बायदि।

(ग) गाहायाव होनाय बाथा खोन्दोबनि ओंथि लिर :

आख'-फाख', आनि-थानि, उसु-खुथु, हालो-दैलो।

फिन:	<u>बाथा खोन्दोब</u>	<u>ओंथि</u>
	आख'-फाख'	= हॉंगो दॉंगो
	आनि-थानि	= राहा मोनि
	उसु-खुथु	= थाथेरहायै
	हालो-दैलो	= आलो गोजोन।

**2. गाहायाव होनाय सॉलुफोरनि सुंद'यै फिननाय लिर:** 3x2=6

(क) बर' रावनि आथोना मोनबेसे बाहागोनि ? मोनफ्रोमखौबो सुंद' सुंद'यै बेखेव।

फिन: बर' रावनि आथोना गासै मोनब्रै। बेफोर जादों- (i) जोला आथोन, (ii) जो  
आथोन, (iii) बेसाद आथोन आरो (iv) जथुम आथोन।

(i) जोला आथोन: जाय सोदोब एबा सिनजौं हौवा एबा जोला फोलेरखौ दिन्धिनाय  
जायो बेनो जोला आथोन। जेरै- राजा, बुन्दै, दाम्ब्रा, जाम्बा, नाब्ला बायदि।

(ii) जो आथोन: जाय सोदोब एबा सिनजौं हिनजाव एबा जो फोलेरखौ दिन्धिनाय  
जायो बेनो जो आथोन। जेरै- हिनजाव, रानि, आइ, आब' बायदि।

(iii) बेसाद आथोन: जाय सोटोब एबा सिनजौं जो-जोला दिन्थियाबालानो गुबुन मुवाबेसादफोरखौ फोरमायनाय जायो बेनो बेसाद आथोन। जेरै- हाग्रा, दंफां, माइ, संख्रि बायदि।

(iv) जथुम आथोन: जाय सोटोब एबा सिनजौं जो-जोला दिन्थियाबालानो मोनसे हारि एबा फोलेरखौ जयै दिन्थिनाय जायो बेनो जथुम आथोन। जेरै- मोसौ, मानसि, दाउ बायदि।

(ख) गाहायाव होनाय बाथ्रा फान्दायफोरनि औंथि लिर :

अन्थाइ बिखा, एम्बु खुगा, खर' मोन, थाफिल बुद्रां, गोदोना मान, नावद्रा बु।

फिन:	<u>बाथ्रा फान्दाय</u>	<u>ओंथि</u>
	अन्थाइ बिखा	अननो रोडि
	एम्बु खुगा	जाब्लाबो थोयि
	खर' मोन	बोराइ जा
	थाफिल बुद्रां	अलसिया
	गोदोना मान	थैनो लुबै
	नावद्रा बु	बांसाव।

### 3. गाहायनि सौंलुफोरनि फिननाय लिर:

4x2=8

(क) मावजाग्रा गोनां आरो मावजाग्रा गैयै थाइजा माखौ बुडो ? मोननैबो बाहागोखौ बिदिन्थि होना सावराय।

फिन: **मावजाग्रा गोनां थाइजा:** जाय थाइजाहा मावजाग्रा दं बेखौनो मावजाग्रा गोनां थाइजा बुडो। जेरै- आं बिजाब फरायदों/ बियो औंखाम जादों/ लाइसिया सिथला सिबदों/ बेफोर बिदिन्थिफोराव बिजाब, औंखाम आरो सिथला सोटोबफोरा फरायदों, जादों आरो सिबदों थाइजानि मावजाग्रा। बेनिखायनो बेफोर थाइजाया मावजाग्रा गोनां थाइजा। बुनो थाडोब्ला सोरखौ एबा माखौ होननानै सोडोब्ला जाय फिननायखौ मोनो बेनो थाइजानि मावजाग्रा। बेबादिनो, मा फरायदों-बिजाब, मा जादों-औंखाम, मा सिबदों-सिथला।

**मावजाग्रा गैयै थाइजा:** जाय थाइजाया मावजाग्रा गैया बेखौनो मावजाग्रा गैयै थाइजा बुडो। जेरै- गथ'वा खारदों/ रामा गेलेदों/ बियो जादों/ बे मोनथाम बिदिन्थियाव थानाय खारदों, गेलेदों, जादों थाइजाफ्रा जेबो मावजाग्रा गैया। गथ'वा मानो आरो बहा खारदों होननानै सौंब्ला बेनि जेबो फिन गैया। बेबादिनो रामा

बबेयाव मा गेलेदों ? बियो मा जादों ? बेफोरनि फिननाय जों नागिरना मोना।  
बेनिखायनो खारदों, गेलेदों, जादों थाइजाया मावजाग्रा गैयै थाइजा।

(ख) जाखां बिदिन्था माखौ बुडो ? जाखां बिदिन्थानि बाहागो राननानै बिदिन्थिजों लोगोसे बेखेव।

फिनः थाइजानि खामानिया सिगाडावनो जाखांनायखौ फोरमायोब्ला बेखौ जाखां बिदिन्था होननानै बुनाय जायो।

थाइजानि खामानिया दाबावैसो जादों ना बेसेबांबा सिगाडावनो जाखांलांदों बेखौ बेखौ नायनानै जाखां बिदिन्थाखौ मोननै बाहागोआव राननो हायो। बेफोर जादों-

(i) दा जाखां बिदिन्था

(ii) सिगां जाखां बिदिन्था

(i) **दा जाखां बिदिन्था:** दा जाखां बिदिन्थाया थाइजानि खामानिया दासो एबा बावैसो सिगां जाखांनायखौ फोरमायो। दा जाखां बिदिन्थाखौ फोरमायनो थाखाय बर' रावाव थाइजाजों -बाय उन दाजाबदाखौ फज'नाय जायो।

जेरैः गथ'वा उन्दु-बाय (उन्दुबाय)।

आं ओंखाम जा-बाय (जाबाय)।

(ii) **सिगां जाखां बिदिन्था:** थाइजानि खामानिया बुनायनि बेसेबांबा सिगाडावनो जाखांनायखौ फोरमायोब्ला बेखौ सिगां जाखां बिदिन्था होननानै बुनाय जायो। सिगां जाखां बिदिन्थाखौ फोरमायनो थाखाय -मोन आरो दों-मोन बे मोननै उन दाजाबदाखौ थाइजाजों फज'फानाय जायो।

जेरैः रामा अयोध्यानि राजा-मोन।

आदाया ओंखाम जा-दोंमोन।

## SECTION-D LITERATURE (20 Marks)

### 4. सुंथाबै फिननाय लिरः

2x3=6

(क) कालिचरण ब्रह्मआ माब्ला आरो बबेयाव जोनोम मोनदोंमोन ?

फिनः कालिचरण ब्रह्मआ बांला 1267 (इं 1860) मायथाइनि बैसाग दाननि 5 अक्ट'खालि धुबुरी जिलानि सिडव थानाय टिपकाइनि काजिगामियाव जोनोम मोनदोंमोन।

(ख) दौबा सुफुंजासे सोर सोर बिबार खादों ?

फिन: दौबा सुफुंजासे दैसारी, लाइसारी, मनसारीमोना बिबार खादों।

(ग) मानसिया बे बुहुमनि हा, दै, बार आरो बाइदि बेसादफोरनि मादाव मा रोखोम जायगा लानानै दड़ ?

फिन: मानसिया बे बुहुमनि हा, दै, बार आरो बाइदि बेसादफोरनि मोनसे सोरजिथाइब्लाबो बियो गुबुन जित जिरादफोरनि मादाव बारग'सारनायनि नेर्सॉन आरो बुहुम राइजोनि गसाइ फिसा।

## 5. गाहायाव होनाय सौलुफोरनि सुंद'यै फिननाय लिर:

3x2=6

(क) 'बिबार खानाय' खन्थाइनि गेजेरजों मा बाश्रा फोरमायनो नागिरदों बेखेवना लिर।

फिन: बिबार खानाय खन्थाइया रुपनाथ ब्रह्मनि दोंसे नेरसोनारि खन्थाइ। बे खन्थाइनि गेजेरजों खन्थाइगिरिया लाइमोन बैसोआव एबा उन्दै समावनो गियान बुथुमना लानो खावलायदों। मानोना जितनि समा बारग'लांब्ला जों बे बुहुमनिफ्राय आखाइ गोजायै ओरैनो थांफिननांगोन। बे खन्थाइयाव गियाति, निमायति, गयति सिखलाफोरा जेरैबादि मोखां सोमहाब सोमहाब गोसो होथाबनानै बिबार खादों थिग बेबादिनो दैसारी, लाइसारी आरो मनसारीमोनखौबो फारा फारि बिबार खानो खावलायदों। लोगोसेनो सम थानायावनो गावबा गावनि मावनांगै खामानिखौ फोजोबनानै समानै दावगालांनो एबा गियान बुथुमनो खावलायदों।

(ख) अरुनिमा सिन्हाया रेल दावबायनाय समाव मा जाब्रबथायजों मोगा मोगि जानांदोंमोन आरो बे जाब्रबथायाव अरुनिमायाव मा खोमानांदोंमोन ?

फिन: अरुनिमा सिन्हाया सासे मोजां भलिबल गेलेगिरि। हादरारि थाखोआव बियो मोजां मुं आर्जिखानानै दोनदों। अरुनिमा सिन्हाया जेब्ला लक्ष्नौनिफ्राय दिल्लिफारसे रेगारियाव फैगासिनो दंमोन बे रेगारियाव जेबो हेंथा गैयालासिनो माखासे दुथांफोरा डाकाइटि खालामगासिनो दंमोन। डाकाइटिफोरा आखाइनि, खोमानि, गोदानानि गहेनाजों लोगोसे जायनि आखाइयाव जेसेबां रां दं बेफोरखौ गथायनो खावलायदोंमोन। अरुनिमा सिन्हाया नाथाय गावनि गोदोनानि मालाखौ गथायनो बुंसेयावबो होनो गोसो खालामाखैमोन। बियो इनायनि सेराव खर' गंगलायनो नागिराखैमोन। बेनि थाखायनो सानै डाकाइटिफोरा फैनानै बिखौ दैखांना लांनानै रेलगारिनि दरजाजों बायजोनि खोमसियाव गारहरनायसै। बै समावनो खाथिथारजों गुबुन गंसे रेलगारि फैगासिनो दंमोन। अरुनिमानि सोलेरा खारबाय थानाय रेलगारियाव सौग्रावनानै मोनसे थयलाबादि गाहायाव गोग्लैलाडो। स्नि घन्टासो सम

बियो रेल लामा सेरावनो थाबाय आरो बै समाव बिनि साखाथिजों गं 39 रेलगारि बारलांबाय। बै जाथायाव बियो गावनि आथिं थोंसेखौ अराय समनि थाखाय खोमानानै लानांगौ जादोंमोन।

#### 6. गाहायाव होनाय सॉलुफोरनि फिननाय लिर:

4x2=8

(क) खुगा मेथाइ मा ? बर' खुगा मेथाइफोरनि सोमोन्दै गुवारै सावरायना लिर।

फिन: खुगाजों खुगा सोलिबोनाय मेथाइफोरानो खुगा मेथाइ। खुगा मेथाइखौ मिलौदो देंखो बोनानै रोजाबनाय जायो। खुगा मेथाइफोरा सुंथाब सुंथाब जायो। खुगा मेथाइफोरा सन्दनि गोरोबलांनायखौ मोजाडै नुसारो।

गोदो गोदाय लिरनायनि हुदा गैयिनि थाखायनो गोबां बर' खुगा मेथाइफोरा खुगाजों खुगा सोलिबोटों। बर' थुनलाइयाबो खुगा मेथाइनि गेजेरजों बेसेबा जौगा थाखोआव गाखोलांनो हासिगौमोन। नाथाय जोबोद दुखुनि बाश्रादि-जोंनि गेजेराव थानाय खुगा मेथाइफोरखौ दासिमबो मोजाडै ज' खालामनानैबो लिरथुमना दोननो हायाखै। बर'नि गेजेराव खना-खनला गोग्लैना थानाय खुगा मेथाइफोरखौ लिरथुमना दोननो हानायब्ला आरो बेफोरनि सोरजिनाय समखौ दिहुननो हानायब्ला बर' थुनलाइनि जारिमिना बेसेबांबा जौगाखांसिगौ।

खुगा मेथाइखौ फिसा फिसा बाहागोआव रानबावनो हायो। बेफोर जादों-

(क) जोहोलावफोरनि खुगा मेथाइ (ख) हादर सिबिनाय खुगा मेथाइ (ग) हालुवाफोरनि खुगा मेथाइ (घ) गथ' बुरखायनाय खुगा मेथाइ (ङ) गोसो थोलायनायनि खुगा मेथाइ (च) लावखार गथ'नि खुगा मेथाइ (छ) हाबायाव खनग्रा खुगा मेथाइ (ज) बैसागोआव खनग्रा खुगा मेथाइ (झ) मैगं खानायाव खनग्रा खुगा मेथाइ (ञ) जि दानायाव खनग्रा खुगा मेथाइ (ट) खामानि मावनायाव खनग्रा खुगा मेथाइ (ठ) हादान सिफायनो थांनायाव खनग्रा खुगा मेथाइ। बेफोर खुगा मेथाइफोरनि गेजेराव गाहायाव दोंनैसो खुगा मेथाइनि सायाव सावरायनो लानाय जाबाय।

बर' माहारिनि गेजेराव गोबां जोहोलावफोर जोनोम जादोंमोन। नाथाय बिथांमोननि जित जारिमिना जोंनि गेजेराव बिजिरै बिजिरै लिरनाय महराव मोनाब्लाबो बिथांमोननि गोहो बोलो हाबा-हुखाखौ लानानै सोरजिनाय खुगा मेथाइया दासिमबो जोबना थाडाखै। आदा बासिराम, दावहाराम, दैमालु, सेवबार, सोमदोन, तुलाराम, जावलिया देवानमोननि। जेरै-

गराइया दान्नायदो बासिराम जोहोलाव।

गंगार सुबाया फैलायगौ।

आदा दावहाराम जोहोलाव

नोंबो दावगालांदो

नोंबो मैदेरजों बेंस'हैदो।

बिमा बिफाया बहाबा थांनाय समाव गाबबाय थानाय गथ'खौ बुरखायनो  
थाखाय बिब' एबा बखालिफोरा बायदि मैया खुगा मेथाइ खननाय आरो  
उन्दुनाय समावबो उन्दुलाडि गथ'खौ फुथुनो थाखाय बिमाया अखाफोरनि खुगा  
मेथाइ एबा सियालनि खुगा मेथाइ खननायाबो दासिमबो जोबना थाडाखै। जेरै-

आव आगै आव

आयालाय थांदों ना गुरनो

आफाया थांदों मोसौ लायनो

बेफोर बादिनो गुबुन गुबुन आयदानि खुगा मेथाइफोरा बर' हारिनि  
गेजेराव गोग्लैसोनानै दं। बे गोग्लैसोनानै थानाय खुगा मेथाइफोरखौ जयै  
लिरथुमनानै दोननो हायोब्ला बर' थुनलाइनि स'ना फिथर जागोन।

(ख) 'जितनि अलंबार' खन्थाइनि गुबै सानथौखौ लिर।

फिन: जितनि अलंबार खन्थाइया मिष्टक सानसि बेरखांनाय दोंसे खन्थाइ। बे  
खन्थाइयाव खन्थाइगिरिनि इसोर दं होनना फोथायनाय आरो जिवाव इसोरनि  
अननाय, बोर मोननो लुबैनाय सानसिया रोखायै बेरखांदो।

खन्थाइगिरिया बे मुलुग संसाराव सोरबा सासे बिफा महरै जोंखौ खांगा-  
बागा इसोर दं होननानै सानो। बिखौनो अराइबो गोसो खाडो आरो मोननो  
हास्थायबायो। दुखुनि समफोराव गाबज्जिनो बावा। गावनि थेर-बेथेर जालांनाय  
लाथिख' जितखौबो गोदानै सुजुफिननो, आबुं खालामनो बिफा गुरुखौ अराइबो  
अनसायो। बियो जेसेनो खाथियाव थांनो नाजायो एसेनो बिफा गुरुवा गोजान  
जायखारो। सम सम दाबो गाव इसोरनि मेगनाव गोरोन्थि खालामनायखौ बियो  
हमदांनो हायो। मानोना इसोरखौ मोजां मोनो होननानै बियो समाय लादौमोन  
नाथाय बे समाय लानायखौ मावफुनो हायाखै। दाबो सम सम बेरेखाखौसो  
मावफलाडो। बिफोर गेना-गोरोन्थिफोरखौ फोसाबनो हानायनिबो बियो इसोरनियाव  
निमाहा बियो।

### **Guidelines for Internal Assessment**

#### **A. Discussion, Listening and Speaking – 5 Marks**

- क) फोरॉगिरि आरो फरायसाफोरा बर'नि आबाद मावनाय आरो आबाद मावनायाव बाहायनाय बेसादारि हारिमु सोमोन्दै गुवारै सावरायलायगोन। फरायसाफोरा मोननाय गावबा गावनि रोंगौथिनि सायाव फोरॉगिरिया लिरनानै एबा बुंथिहोनानै फोरमायहोनो हागोन।
- ख) फोरॉगिरिया जायखिजाया मोनसे आयदा होनानै एबा थासारि सोरजिनानै फरायसाफोरखौ बेनि सायाव बुंनो होनांगोन। फरायसाफोरा मोननाय गावबा गावनि रोंगौथिनि सायावबो फोरॉगिरिया बुंथिहोनो हायो।

#### **B. Assignment – 5 Marks**